

朱
谷
詩
集

序

未谷爲詩嬾不收拾大半多酒後倡和之作方其酣適之時棄壺在前朋尊在後敝銅鉢以夸捷詠水車而鬪新取雋一時寧復計身後名哉又下筆特工八法往往脫手輒爲人持去比醒都不復記憶卽記憶其平日論詩頗多拘忌或某字未愜某對未工徐思涂乙旋就遺忘故未谷之詩之散佚也其病有四嬾一也醉二也工書三也論詩多拘忌四也其病根有一蓋自有可以不朽無意於爲詩而已此帙之存偶錄於其哲孫之手夫盍簪促席狂吟大嚼之時未必其孫之適在其側也書

工爲人持去其孫未必能追而奪之也詩成於醉而遺
於醒其孫未必能視於無形卽偶能記憶而默識在心
手不復作推敲口不復作吟哦其孫又未必能聽於無
聲也然則此帙無惑乎塵有存矣必其孫適在其側不
爲人所持去詩成而亟錄之不問乃祖之工慳不避乃
祖之拘忌此吾所謂倖而存者耳然而非未谷之意也
未谷蓋無意於爲詩者也乾隆六十年乙卯四月仁和
馬履泰書於灤源講舍

序

吾所見未谷詩二三百首雖不盡可存而一時興到往往如初寫蘭亭乃不自收拾隨手散去可惜也未谷固不以詩名然與吾編錄詩話至老不輟卽自號專家者或未必如未谷研討之深也未谷之詩可聽其散佚而不顧邪未谷於壬子歲游東萊得詩如千首其孫手錄一冊竊自藏弄閱四年馬秋藥比部見而序之是則未谷之詩之最完整者矣因念未谷與吾唱酬舊作其稿多在吾處他日搜索篋衍別爲編次付與其孫於未谷庶無所負但吾亦不自收拾者又安知未谷之稿不隨

吾之稿散而不可追乎同里顏崇槩

未谷詩集目錄

曲阜桂馥冬卉著

孫顯訖謹錄

卷第一 東萊草

萊州

湯明府饋肉

秋鶴席上醉歌

萊州書懷

爲郭南屏題荷花

秋鶴送鹹菜

騎驢圖

畫梅

得友人書

陪登萊兩太守宴避風亭見海市

題蓬萊閣

松下呈翟叟

回回石頭歌

荅秋鶴留別

送秋鶴

南屏惠冬韭

友人惠木瓜

歲暮

故將軍

上元遣悶

夜飲聯句

別萊州友人

留題友人壁

還長山官舍

卷第二 老蒨賸稿

送魏樹亭之黃州

題菊蝶圖

題方初庵諸人遊明湖詩後

閨情

早至湖上

沂州

玉環山二首

并引

道士庵

石洞

遊蒙山歸

入都留別運生

孔褒銅卽歌

別陳述庵

途中曉發

顏孝廉崇檢訪余天津送之入都

天津懷運生

趙北口

聞樹亭訃

長門對鏡圖

題畫

題周幔亭清涼山居圖

過益都相國亦園舊址

送友人令名山

雜感

覃溪先生雙鈎文衡山分書見貽并賦二詩走

筆和荅

拜圖裕軒先生墓

并引

戒台謁圖裕軒先生祠坐松下作

萬里

歸里

題畫

隨處

題畫

誰是

摹帖與女兒

雜詩

紙鳶

雞

村居雜興六首

春草

鶯

河上晚成

西廊

濟河歸舟

雪中過范二村居

題畫

顏氏家藏魯公銅印歌

贈蘇卮園

春霽

王麓臺畫

爲鄭學之題李王卿傳後

別顏六崇梨

再入都峇顏崇檢送別

雄縣道中覆車却寄韋齋兼懷芝山江南

漢敦煌太守碑歌

并引

題桂字銅印冊子

翁覃溪學士爲摹磚塔銘賦謝

馮魚山寓齋種竹

七月七日穀人招集小香南館分得露字

題漢瓦頭

元日立春寄家書

客不識丁杰姓名口占荅之

高麗海苔箋扇

羅兩峯野梅初月圖

久雨初晴同林汲夜坐

題兩峯墨竹

送周進士永年

曉出肥城北郭

開山旅次

冬日山行

德州飲羅酒留贈孝廉羅奎章

海棠遣興

張卯君畫

八月十四日徐九見招口占報之

冷衙

和阮雲臺學使寄孫淵如觀察韻

畫蝶同馬秋藥顏心齋郭小華聯句

酌突泉送宋芝山分得三字

二疏祠

五嵐問西山之勝

造薏苡酒

對月寄顏崇檢

雨夜書懷

范張祠

書懷示運生

感興

繕寫南澗詩文了簡林汲

顛頭陀舊野客對飲圖

悔過詩

古意

歲除憶林汲

焦綠軒村居多竹今屬他人夢寐懷思賦詩見

示荅和

送李馭臣孝廉

杜工部遺像

濟南示顏孝廉崇檢二首

祭女郎山簡焦綠軒

濟南書懷

古意

牧馬圖

觀顏教授所藏墨用東坡荅舒教授觀墨韻

驅蚊

運生納姬

太真明皇並笛圖

五十五歲登第

喜屠南章至酌酒相慰

潭上雜詠八首

潭西精舍

七十三泉

談助亭

琴牀

倚杖橋

芳林

畫壁

水檻

卷第三 行笈草

白桃花

畫秋葵

臂痛

董思翁摹鵲華秋色

不寐

滅燭

別潭西精舍

荅餞別諸友

贈別虛谷

別秋藥

遣懷

羅兩峯鬼趣圖

陳肖生坐上分韻

十月九日趙味辛招續重陽分得塵字

葉雲素同年以家釀見貽對月獨酌卽簡雲素

澄泥研詩

并引

吳穀人贊善席上分題元人水村圖

醉司命圖爲吳穀人題

六十生日書懷四首

醉後示船山

增詩一首

六十歲落一齒

將官滇南伊墨卿招同趙味辛魏春松張船山

吳穀人何硯農蘭士兄弟雨中小飲分得賞

字

荅同年陳蔭山舍人送別

從嫂石孺人年逾九十奉酒爲壽

與船山說鬼

戲題船山畫蘭

贈別船山

增詩四首

丙辰八月再過津門與小濂同寓

雨窗先生送昭慶寺僧輓

大雨看瓣園假山

登泰山求張巨和隱處

旅飯

苔顏九丈送別

途中却寄從姪翔鶴

歸里三載瓠落無成異我丈獨尋舊好今將遠
別情見乎辭

題陸璞堂先生適園灌畦圖

卷第四 南征草

富春歌

丁巳元日泊舟滕王閣下夜雨獨酌

南陽

沅陵

舟行雲霧中

瀘溪

袁州道中

卽目

貴州山行

舊僕辭歸書以示之

早發小雲南驛

漾潯早行

將至永平止宿寶峯寺

永昌

縣齋桂花

永平

行縣罷獨坐口占

來何爲

箐雞

鐵連甲

題永昌府志

蘭滄江

梅花堡題壁

永定道中

荅友人索新詩

大理

登樓

雨夜

月

此心

點蒼山下觀稻

題楊升庵像

遊崇聖寺

得家書

去大理

萬人冢

蹋歌行

古意

黃昏

聞蟬

三至永平

衙齋日課圖

寄家園親舊

禱雨

枕上口占

飲酒

酬李毅堂

餓熊歎 并引

贈查三

題畫二首

白龍潭

逢錢七 杜

天燈 并引

縣齋

閒愁

清狂

春遊

滇南

鏡

生怕

只餘

白傳有謝裴常侍以優禮見待詩感而有作

每到

三月二十九日作

憶順寧小築

有勸余納姬者口占荅之

寄白梅溪

錯認

賦得瓜田

賦得菁蘞

書懷

犬

從人乞酒

荅蔡松若明府見贈

贈胡晴帆別駕

并引

近華浦秋泛歌呈同遊諸子

增詩一首

未谷詩集卷第一

東萊草

萊州

作牧餘荒苑傳經出絳紗海浮萊子國草沒鄭元家
席鹵隨人賣魚鰕入市誇尙饒王仲富何處問公沙
魏畧公沙穆隱居東萊山中有富人王仲者謂穆曰金多以資仕吾奉子百萬惟所用穆耻以賄求爵不受

湯明府饋肉

不復買豬肝官厨饋晚餐釜塵還未洗酒盞定須寬
盤改先生號匙添措大酸且快屠門嚼莫愁來日難

秋鶴席上醉歌

吳君煮酒酒不羣要余飲酒書八分墨摩一斗紙丈二
弱豪不醉難策勳是時春煖窗半啟花香酒氣醺氤氲
淺斟細酌到無算對客解帶微覺醺請試把管管無力
寫出便付素人焚紅杏小史真解事杯盤羅列腥與葷
縱飲大噉雜諧謔花陰漸轉天將曛興酣落筆無束縛
墨瀋不顧霑裳裙橫卷直幅盡揮灑苦無餘紙書嘉文
旁觀暢意呼大好一贊亦足張吾軍乃知工拙在氣勢
較量肥瘦徒紛紜吳君吳君但願日日飲酒書八分富
貴於我如浮雲

萊州書懷

已曾蹈海復何之恥學鷓鴣寄一枝處處句留因嗜酒
時時懊惱罷題詩途窮廣武歸無著馬困鹽車老自知
却笑柴桑陶處士折腰始悔去官遲

爲郭南屏題荷花

半開半斂半成房留得徐妃半面妝風定池塘閒倒影
飛來一對小鴛鴦

秋鶴送鹹菜

五十年來咬菜根盤荒苜蓿舌猶存先生也解鹽齏味
肯向於陵學灌園

騎驢圖

風雪灞橋來詩成大快意莫遇呂徽之窮哉說驢事陳剛中策蹇遇呂徽之因互論驢故事剛中至四十餘事而止徽之多記三十餘事見陶南邨輟耕錄

畫梅

粉本鈎來窗上影低枝曾見水邊斜此生修到爲夫婦願畫雙眉理鬢鴉

得友人書

夢裏無端哭故人十年不見恐成真今朝對客開眉笑一紙書來滿座春

陪登萊兩太守宴避風亭見海市

官亭既宴酒初行誰料尊前海市生霧樹無根隨處有

丹霞鑄日隔山明
追陪末坐緣何幸
乍對奇觀意倍驚
一自蘇公會禱請
偏於太守最關情

題蓬萊閣

到岸山無盡連天水共青
閣憑岡勢壯城帶海潮腥
重鎮樓船畧奇圖
夏禹經眼前蓬島近何處訪仙靈

松下呈翟叟

叟種兩株松偃蓋交離披
清陰罨庭戶有似幰幕垂
叟欲除其一荷插將仆之
家人交口勸聊去橫生枝
我來松間立剝斫痕參差
叩問意何在安用翦伐爲
叟言松陰厚冬窗無朝曦
老愛負暄坐寧容障茅茨
走也向叟

揖喋喋前致辭三百有六句一歲分四時松毛春最香
松陰夏最宜松濤秋更壯此樂不可支冬寒雖蔽白雪
壓亦解頤於公何所負公當赦斧斯叟笑酌我酒醉任
松風吹

回回石頭歌

紅亞姑青亞姑你舍卜的名皆石還你火失刺把都所回回
藥良

答秋鶴留別

好似鸚鵡比翼飛問君去我我何依也知聚散原無定
每送舟車頓欲歸到處那厭憐客久隨人俯仰悔官微

白頭嬾學遽夫子十錯誰能悟昨非

送秋鶴

不必依劉表何曾識馬周詩攜大海去事悔空言留
蒼隨人謗萎餘信水流送君還自惜老與世沈浮

南屏惠冬韭

風障層層暖氣遮雪消畦壠翦新芽淺黃好似屠蘇酒
柔嫩還先穀雨茶寧待春初方可薦縱饒薑下不須誇
諺云花下韭感君寄遠重包束倒葉書題認未差
藕薑下韭

友人惠木瓜

戶外擎來已解煩堆盤靜對不聞喧淡黃尚未經霜染

才名言集卷一
四
嫩滑何曾拭手捫眞定御梨原太脆洞庭新橘祇嫌繁
無如此果堪留伴酸到花風第幾番

歲暮

天涯歲月易蹉跎愁裏推遷醉裏過八口依人家已破
一身入世志全磨讀書未了先頭白作宦無成苦債多
爲謝故人休問訊海濱踪蹟恐傳譌

故將軍

故將軍今將軍霸陵醉尉初不分將軍復爲右北平請
尉與俱尉始醒此時殺尉如殺羊將軍大度宜包荒當
時被喝將軍故將軍不故或不怒

上元遣悶

說士甘於肉擁書當作城酒闌開不易鄉俗記偏清歲
氣東方早花鐙比舍明誰來相慰藉獨坐到三更

夜飲聯句

止酒經旬外

未谷

深杯竟不辭海天重聚散

明軒

宦跡本支

離祇合千回醉

未谷

真成一半癡宵分嫌燭短

明軒

坐近訝

光遲舊事翻新話

未谷

幽懷託故知贈行分僕馬

明軒

惜別

重須眉官舍牽蘿補

未谷

石牀借木支暫居栽竹可

明軒

難

老學仙宜袖裏東萊石

未谷

囊中北海詩隨緣聊復爾

明軒

諧俗本如斯風雪愁前路

未谷

鶯花屬後期買山同此志

明軒莫負手中卮

宋谷

別萊州友人

東隅無事足徜徉，怕見春風客路長。
住一年來如故里，別諸君去又他鄉。
長山雲斷天邊雁，滄海田荒夢裏桑。
剩有濤音詩數卷，累人打疊滿巾箱。

王西樵選萊人詩名濤音集余爲開

留題友人壁

早知此地干竿竹，不待相招也自來。
臨去漫勞林下餞，祇如夢裏一徘徊。

還長山官舍

催歸不待陌頭花
眼底春光付馬撾
束髮而游都是夢
除官以外更無家
海魚肥美堪充饌
萊石昂藏易滿車
好學於陵陳仲子
灌園沒世足生涯

未谷詩集卷第一

朱谷詩集卷第二

老菴牘稿

送魏樹亭之黃州

百戰樓船地三分霸氣豪
天橫江勢斷山靜客星高
明月黃泥坂秋風赤壁濤
看君飛動意懷抱向風騷

題菊蝶圖

撩亂麻姑裙外風飛來連影在香中
可憐秋色籬邊老此後花關夢不同

題方叔庵諸人遊明湖詩後

新詩讀罷畏羣賢愧我曾無一字傳
消受明湖好風景

荷香露濕半城烟

閨情

柳絮飛時鶯亂啼
歸舟聞到畫橋西
誰知歡合無緣分
又說輕帆下雪溪

早至湖上

玉露娟娟柳帶烟
一鈎殘月挂西偏
水禽齊向花間鬧
不許芙蓉徹曉眠

沂州

茫茫大道接瑯邪
齊魯遺風紀世家
山到南徐如勒馬
水連東海盡盤蛇
郛城麥秀朝飛雉
蒙頂雲開夜采茶

千里窮原多古意空隨節物惜年華

玉環山二首并引

山在費縣西南三十里明嘉靖間道士邢清霄
結菴山中東有石洞邑人張四知所居四知思
陵相也

道士菴

古磻寂無人危磴通樵路山空白日長幽禽啼遠樹藥
苗聞暗香春色嬾如故過橋落花深把酒白雲住言尋
道士居孤詣杳難泝惟有石泉聲松風吹不去

石洞

流水去不返洞口閒雲封山花開且落石氣青濛濛我
來俯幽級疑墮睂井中豁然開平地宛轉皆相通天光
敞南牖徐徐來清風但有數卷書卧讀無春冬人生苦
勞役靜者安其終遠志化小草嗟哉白頭翁

遊蒙山歸

手種新篁綠未齊棗花落地引雛雛家人襟坐探遊跡
爲話蒙山到日西

入都留別蓮生

三十始出門行止渾如夢京華多高軒窮達會有命性
疎祇自知名微欲誰動作計違本懷荷饒忘其柄安樂

不可長患難孰與共既知居家好應解離家癖遽予拜
母墳荒壟淚雙迸恐傷老父心欲哭復忍痛大兒猶廢
學拙婦惟善病聚散本無憑生死安可定前路無故人
瑟瑟秋風勁感君送我情比我去鄉重酌酒爲君寬共
飲倒一甕

孔褒銅印歌

張儉亡命誰投止魯國孔褒堪依恃事覺儉捕褒亦收
一門老幼力爭死死者千年骨已滅私印猶存肝膽血
友朋一諾重千金何煩印信合符節石碑出土成曰科
獨留名字終不磨

其碑出於雍正間文多漫滅惟一碑
首行君諱褒字文禮數字未毀

一印在人世間中當有神物阿去年曾見寶武印漢人
氣節如山峻文舉之碑不可尋梁書南康簡王績之子
通理嘗祭孔文舉墓並
爲立碑製德讓有碣字難認孔謙字德讓文
禮弟其碣猶存我攜此印
文甚美
歸曲阜陳於碑下拜稽首家業授受春秋經誰爲公羊
發墨守

別陳述庵

不隨世變共低昂白首窮居仰屋梁祭酒尙留秦博士
故人僅見魯靈光枕中文字資談柄肘後方書作報章
欲訪舊聞修獻典春風官道馬蹄忙

途中曉發

一鳥破寒綠秋意閒如客朝日明林端霜葉自修飾嶺
下亂水分山根孤烟直默默遠遊子搖搖去何極

顏孝廉崇檢訪余天津送之入都

書到聞君下第歸忽來旅館暫相依心驚未敢詢家事
金盡猶能典客衣自古功名貧士晚只今京洛故人稀
買田何日分微祿老向東山各掩扉

天津懷運生

歸夢懽未失孤絃響易沉美人在何許對酒勞寸心春
水流日夜高樓罷登臨衆芳豈不美無如瑤華音

趙北口

趙北雄州地漫漫千頃波寒空秋氣壯古色夕陽多不
見平原客猶聞鴻雁歌漁人貪小利不必問田禾

聞樹亭計

倚杖垂垂老婆娑生意荒巖能同汲黯諧復肖東方家
破圖書在尊空冰雪光曾爲琴酒客千里哭中郎

長門對鏡圖

寂寞長門歲已深文園一賦值千金照人明鏡長如故
不似君王夜夜心

題畫

淡黃柳色小沙堤昨夜微霜秋滿溪月曉風清人未到

藕香常在釣船西

題周幔亭清涼山居圖

清涼翠色抱松關
陶穀秋深書幔閒
正好高眠不歸去
却來馬上看西山

過益都相國亦園舊址

崇文門外蹋輕陰
丞相園林尚可尋
萬柳隄空春水斷
孤亭門閉夕陽深
公卿有地容休沐
賓從如雲亦陸沉
閒向老僧探舊跡
拈花一笑識禪心

送友人令名山

陣雲偏傍馬頭生
垂老還爲劍外行
杜甫詩篇本經濟

才名詩集卷第二 五
相如詞賦久聲名秋深契道聞傳檄霜落蠻江看洗兵
自有文翁能化蜀瘡痍父老待歸耕

雜感

靜後眞如是憂來或自疑心空遺世早學困得天遲白
日留詩卷青山老鬢絲故園二三子尙有鹿門期

覃溪先生雙鈎文衡山分書見貽并賦二詩走筆

和答

朱竹垞陳元傅青鄭汝顧美張卿王覺氣勢居然遠擅場

若溯漢唐求隸古蔡中郎後李三郎

曹全新出派初分姿媚寧慙白練裙賴有衡方蕩陰在

停雲猶勝棘門軍

拜圖裕軒先生墓

先生諱圖答布以翰林學士告休無子及病篤
棄家入延寧庵卒於庵中門人劉給諫湄卽於
庵內建祠庵外修墓馥與周編修永年同謁距
先生卒已十餘年矣

一老猶遺杖

祠內有
賜杖

荒祠卽是家無兒憐伯道起家得

侯芭樹木十年長音書千里賒

以先生遺像屬
題逾年未到

酒漿澆

處濕回首沒風沙

戒台謁圖裕軒先生祠坐松下作

宗門了徹萬緣空只合叢祠倚梵宮誰是前身誰是佛
破除煩惱是松風

花欄曲曲共誰憑薄宦猶如退院僧最喜月斜人靜後
對房明滅讀書燈

萬里

萬里提封極盛時九重端拱樂無爲中原已下徵書
詔小國猶勞問罪師廟算喜從千里決王言自有
近臣知餘生偃蹇終何補欲上淮西第一碑

歸里

太息衡門掩蕭蕭落木寒黃金然諾重白眼往來難田

薄頻書券身閒未就官殘冬愁夜雪誰復問袁安

挾彈洛陽道人稱美少年老知兒女累貧謝友朋憐雲
過秋陽晚花明旭照偏謀生何太拙潦倒醉中天

宗國三年別寒雲舊魯門詩書慙聖澤樽俎恃君恩

俗苦繁文重家無大姓尊遺風思故老衰草幾人存

故人勞問訊怪我學雞棲醉愧牛宏弟炊憐季子妻名
山空歲月白日易塗泥野鶴歸何晚翻飛意自迷

題畫

山空石氣寒殘照明遠樹寺門秋水深欲流增影去

隨處

隨處因循似寄生十年心事未分明
愛閒不悔功名晚
諱老先傷意氣平
負郭已荒思汗漫
住山有約待經營
空□月落偏生感
繞柱沉吟到四更

題畫

縷縷寒雲斷欲流
孤帆遠接大河秋
隔林先送南飛雁
霜信明朝到石頭

誰是

誰是靈光作賦才
魯門三月桃花開
幾片殘紅嬌不起
春風吹上鬪雞臺

摹帖與女兒

癡兒善改金根字名帖猶存筆陣餘老向池邊掘毛穎
雙鉤新樣付官奴

雜詩

故巢已重遷破甑寧復顧榮落悲流年沉吟牽世慮衆
鳥逐春時修途惕日暮愛捐非所憂節短豈庸護孤詣
幸古令僻意甘時忤施爲羞吾曹簡帙導先路

紙鷲

三月春風復幾時高低展轉任人爲眼前底事塵如海
都付兒童作總持

雞

月名詩集卷二
恨煞比鄰雞宵中故故啼慣隨銅漏滴肯讓鼓聲齊脉
脉霜華重娟娟月影低病夫不成寐掩耳學鴉聒

村居雜興六首

豈敢名高隱田園住已深幽偏山水意雞犬歲時心尊
酒何勞勸丹砂不可尋手栽三兩竹新笋欲成林

山遠河流細秋風兩岸生舟橫沙嶼晚鷺立板橋明雨
過還垂釣原荒久罷耕往來幽興熟野老漸呼名

夜半衝寒起開門風滿頭水聲初在樹霜月靜延秋浮
氣閒方斂清樽嬾未收從來閱世客歲月半漁舟

浮世成高枕平生一草堂頑兒偷紙筆幽鳥識行藏盡

日聽流水孤村自夕陽寥寥人境外吾意足滄浪
亂水疑無路孤烟尚有村林泉童牧得齒髮野人尊秋
色將辭樹灘聲偶到門閒隨小兒女日暮數雞豚
老屋環依樹荒廚細引泉簷光起晨雀暖翠入炊烟水
落魚蝦市霜收芋栗天田家風物好欸欸話高眠

春草

銷盡劫痕過野燒春風吹上舞裙腰蕪城暮雨連三月
南浦新烟失六朝燕子飛來江水綠鷓鴣啼處馬蹄遙
王孫一向無消息花落前年舊板橋

鶯

打起還來語又非
聲聲容易喚春歸
枕邊好夢歡初展
樓外垂楊瘦幾圍
幽澗泉聲新過雨
空庭松籟不關扉
雙柑斗酒渾閒事
多少相思付夕暉

河上晚成

衆鳥各已盡
隔林生暝烟
人間新雨後
衣薄晚風前
水氣香於酒
苔陰淨似天
言隨牧牛子
徙倚聽潺湲

西廊

疎簾清簟罷談碁
日轉西廊客到遲
一枕風涼初睡起
刺桐花落雨來時

濟河歸舟

幾日街頭撲面塵
第三橋外水粼粼
垂楊小岸清陰臥
留住輕舟不放人

雪中過范二村居

孤客久無依
天寒遠道歸
犢車荒隴雪
山木野人扉
酒對公榮飲
交憐季布稀
茅簷啼凍雀
祇傍故巢飛

題畫

楊柳春風白板扉
酒旗搖曳杏花稀
荷鋤南陌歸來晚
認得橫橋舊釣磯

幾行疎柳帶殘秋
百里晴山一望收
送客前溪家漸遠
酒醒獨自掉歸舟

顏氏家藏魯國銅印歌

魯國舊藏古印二孔顏世寶相傳遺其一百官不敢佩
小篆酷類秦相斯是爲魯公眞卿印古銅斑駁無龜螭
薄如五銖大半兩朱文兩字刀鑿之當年握兵救河北
虎符官印同攜持孤城無援臣力盡姓名才得君王知
下視希烈同鼠狗青天白刃甘如飴方寸之銅不陷賊
乃與陋巷俎豆千秋垂印以辰州丹砂剡溪紙懷懷生
氣寒風吹我欲佩之遊五嶽安用黃神越章爲

贈蘇卮園

卮園爲牛
空山高弟

不見空山老遺文都講知孤懷遠世好靜力定羣疑貧

借僧寮坐閒爲弟子師名山圖籍在白首共相持

春霽

春雨過清明春水流平楚斷雲薄未歸淡日欲停午飢
鳥啄松花山陰滿庭戶童子溪外還沉吟無一語

王麓臺畫

疊疊青山是富春浮嵐暖翠隔江津孤村十日黃梅雨
行盡松陰不見人

爲鄭學之題李玉卿傳後

白楊青塚雨蕭蕭公子飄零誤阿嬌三五團樂明月夜
崑崙遺恨失紅綃

別顏太崇槩

吾友三三人君才若天授三十兼衆美吃吃達之口藏
書數千卷翻披不停手吾昔聞古訓惟精以不朽博約
傳心法循循服善誘亂水皆有源衆魚貫以柳涉獵慰
眼前白首終何有黜浮堅不頑去偽誠可久養氣在知
言擇福惟善受且下董生帷無使灌夫酒是非安足論
付之千載後

再入都答顏崇檢送別

三載違故園明月照千里蕭瑟風雨夕辛苦桑乾水歸
來訪故人新塚何累累門戶日索寞風氣亦萎薶大姓

不知書世族或越禮富而封其財貧卽驅之市有如寒
號蟲一身不自理爭逐動口舌詩書成猜忌荒哉聖人
居一變竟至此朝出城東門暮宿城南里醉歌舞雩臺
高望桑梓地曠野四無人淚落連珠子不如汗漫遊且
復掩雙耳名山多藏書石室堪投止千秋有人業經經
而緯史疑義掃羣言妙理歸一是我年未四十精力漸
衰矣我才無足多我心終不已胡爲世網羈日索長安
米惟子知我心去住甚無謂喻我以飛鳥引酒澆塊礪
嗟哉無多談願爲良時起

雄縣道中覆車却寄韋齋兼懷芝山江南

漫勞握手送孤征，應爲行人計遠程。
覆轍方知平地險，執鞭猶慮後車驚。
家如巢破空三匝，官比田荒尙耦耕。
不及扁舟南渡客，布帆安穩一江清。

漢敦煌太守碑歌

碑在巴里坤城西關，壯侯廟篆書六行行十字。
文曰：惟漢永和二年八月，敦煌太守雲中裴岑
將郡兵三千人，誅呼衍王等，斬馘部衆克敵，全
師除西域之災，蠲四郡之害。邊境艾安，振威到
此，立海祠以表萬世。

古來邊患無時無，羈縻守禦徒區區。
中國有土不能守，

乃與荒服爭鎚銖漢家永初罷都護專制西域北匈奴
玉門陽關日夜閉索班兒戲屯伊吾兵臨車師重圍急
敦煌太守馳兵符勒山一戰漢軍走呼衍聲振伊吾盧
永和改元岑始至誰其叛者吾當誅克敵郡兵三千耳
紀功大書而特書吾聞兵機貴神速君命不受言非誣
朝廷口掣將帥肘兩人牽羊躡路衢用當其才一已足
司馬都尉空奔趨任尙段禧不曉事邊隙一開十年餘
中原疲敝白骨朽縱收其地屋一隅安得岑也守嚴徼
瘡痍休息長無虞

題桂字銅印冊子

遺文繆篆苦搜求桂炅全同香炅收

廣韻桂炅香炅四字同姓余編繆篆

分韻亦全今見朱文單字印吾宗姓氏喜長留

鷗波引首單文趙

松雪有趙字朱文印

此例傳來便可援卷軸它

年認真跡猩紅小印在頭番

司馬從來推漢法金元小鈕亦關心簡齋託我雙銅印

便欲裁書報武林

隨園得二銅印皆簡齋二字

翁覃溪學士爲摹磚塔銘賦謝

唐書最喜磚塔銘惜哉破裂無完形河東一本是初拓
懸之海內如晨星欲攫不得三歎息歸把殘字空眙瞠
玉堂學士莞而笑我有梁肉施飢僮羊毫一掃松風急

百廿七字雲英英硬黃響榻俱多事臨摹不數遍波亭
滿堂傳示稱快意孰知兩日勞經營學士初學虞永興
有時闌入歐率更上下顏柳兼褚薛全憑變法如寫生
不然下筆求形似得毋笑語同優伶不見摹勒重刻石
寶鼎化作三足鎗學士論書善取譬有似拓槩析朝醒
尋常隻字足寶貴況當妙墨雙眼明縱無蘭亭蘭紙本
我心足使平如衡

馮魚山寓齋種竹

吾友官春明僦居三間屋屋內何所有牀頭書滿麓窗
外何所有手種數竿竹修修古丈人靜對森以穆初若

新相知綢繆日與熟寒綠上縹帙清風來芳緡欣然已
忘憂誰能更拘束朝出出無車晚食食無肉竹林有餘
閒高卧亦已足月出遲我來抱琴當牖宿

七月七日穀人招集小香南館分得露字

殘暑流餘威閉門自朝暮故人遙見招聳身拔健步恐
後無敢停高車已先赴賓主六七人里居各異處何以
歡相投同懷多鎮趣作畫顧虎頭圍棋謝太傅酒許步
兵乞曲教周郎顧最古金石文甚細蟲魚注微事襍詠
諧遇物精考據面爭舌爲勞首肯心先附舊題僻愈奇
新韻險堪怖苛令困老兵罰爵降大戶屋角早橫參燭

邊尚停箸好事如秋雲流光警朝露珍重尊前身記取
口頭語不見牛女星一年逢一度

題漢瓦頭 瓦文漢并天下

赤帝西走入咸陽威加海內諸侯王匈奴數歲苦未定
蕭何制作開天開前殿武庫連雲起東闕北闕遙相望
胡桃油濕鴛鴦瓦鬱金香薰玳瑁梁瓦文曰漢并天下
不存戒愼徒矜張帝赫斯怒讀過度大臣奏封詞牽彊
天子重威示壯麗土階在昔聞陶唐亡令後世復加此
子孫藉口偁高皇遂使濟南公玉帶編蒲割黍圖明堂
君不見秦并六國營阿房二世親降枳道旁可憐丞相

收圖籍但效昆吾作未央

元日立春寄家書

千里逢家雁尺書不厭頻今年春信早先動未歸人

客不識丁杰姓名口占答之

歸安丁錦鴻久困場屋日者占運謂須木

火相扶因改今名果登第

木火相扶信五行遂教雁塔表新名丁因有尾無人識
劉向原來是更生

高麗海苔牋扇

嫩於春草碧於烟疊就波紋半面牋海氣陰陰收不盡
袖中常似雨餘天

羅兩峯野梅初月圖

密萼繁枝爛不收，全非老態短牆頭。
絕無人處夢難到，初上月時烟欲浮。
竹外雪消清影瘦，水邊春冷暗香留。
誰家玉笛中宵起，有客風前獨倚樓。

久雨初晴同林汲夜坐

把酒談詩妙入神，空庭月色解相親。
欲眠再起披衣坐，不見清光已數旬。

題兩峯墨竹

翁老孫童春未殘，穿籬透壁倚闌干。
我家茅屋虛窗下，月影常橫三兩竿。

送周進士永年

下士昧講授，袞袞多歧途。氣勝角猛獸，身後同枯魚。君
乃崇實學，羣言歸掃除。經術探理窟，百氏如貫珠。中立
障狂瀾，心苦道何孤。寂寞三十載，騎驢京華趨。一舉擢
高科，對策匹江都。聲名動日下，君心冲若虛。脫然返故
鄉，惟載滿船書。徂徠山色好，獨往置田廬。石室數萬卷，
願爲後人儲。傳之得其人，猶勝兒孫愚。來者未可知，此
心與之俱。我亦遠塵世，嬾曳侯門裾。幸免婚嫁累，將依
守道居。名理共涵濡，疑義相爬梳。山空歲月閒，可以息
微軀。送君千古心，樽酒空踟蹰。

曉出肥城北郭

白霧亘山根山如水上出朝日照古原荒城抱秋色僻
地奇未探孤村遠不識薄寒上客衣立馬風瑟瑟

開山旅次

細雨濛濛客暫停毡衣半謝曉寒輕青山對面垂簾坐
絕頂風吹牛鐸聲

冬日山行

眾山無向背落日半天陰時有孤雲卧平臨大壑深歲
寒多古色水遠識清音不見高人迹應知靜者心

德州飲羅酒留贈孝廉羅奎章

昔聞名酒出君家，渴懷展轉無由賒。前年到此釀未熟，
葛巾繞甕徒咨嗟。揭來却返長安道，入門猶見霜前花。
燒燈一笑供晚酌，活火急煎次烹茶。促坐手把宣磁盃，
淺斟初試不敢誇。落杯卽知香到口，自然清味回齒牙。
不見世上交情淡，且从主人意氣如此酒。吾家舊醅不
須開，酒徒零落空回首。

海棠遣興

曉春簾捲鬱金堂，一點殷紅上海棠。沉睡初醒新過雨，
欲開猶斂似含香。但能玉管留佳咏，笑對銀椽換晚妝。
蜂蝶紛紛多誤認，何曾爛漫出東牆。

張卯君畫

白雲紅樹碧山秋策杖聊爲汗漫遊
貪對懸崖看飛瀑日斜猶立板橋頭

八月十四日徐九見招口占報之

莫爲無腸烹伏卵不妨沽酒惱髯奴
天公若許開宵宴淨掃浮雲放夜珠

冷衙

冷衙終日少人來獨抱遺經絳帳開
楊震講堂飛野雀文翁徧坐訪良才
生前駿骨難求價爨下枯桐願作灰
桃李不關春管領幾翻花信又遲回

和阮雲臺學使寄孫淵如觀察韻

湖裏蓮花四照開
道旁驛騎遞番催
人閒天上中秋近
可要乘槎犯斗來

畫蝶同馬秋藥顏心齋郭小華聯句

三月春如海

秋藥

花飛蝶作團
隔牆來款款

未谷

逐馬去姍

姍風颺仙裙
遠

心齋

晴留露粉乾
亂捎鶯楚雀

華

輕撲避

齊紈解脫誰懷葛

秋藥

相思或姓韓
滕摹傳畫笈

未谷

莊夢

失園官綠徧王孫
草

心齋

紅迴萬字闌
蹋青人小立

小華

袖拂應難藥

秋藥

趵突泉送宋芝山分得三字

憐君長作客爲我一停驂事好真難再酒行且過三暝
烟寒半郭秋水落空潭坐對流光駛歡場老更貪

二疏祠

散金城下晚春時一片閒雲去又遲更有何人能止足
空山獨拜二疏祠

五嵐問西山之勝

君問山中幾日留西風立盡寺門秋秘魔崖下遶邏樹
百尺寒泉落上頭

造慧苴酒

薊遼王總督餽嚴分宜慧苴酒分宜以酒却一年佳一年官却一年不佳一年

百斛明珠釀乳泉色如秋菊氣如蓮冷官風味常依舊

才名詩集卷第二
六
酒却一年佳一年

對月寄顏崇檢

自憐高興盡苦意修竹林一片清秋月與君長別心停
雲無異色流水有遺音欲問鹿門子前山何處深

雨夜書懷

百慮先秋集宿深雨不休書來終日悶歲久一身留浮
世成高枕名山笑白頭故人問行迹尊酒未能收

范張祠

爲客具雞黍事小物亦微獨有真意氣生死終不移世
風日以下脫粟或致譏主客良宴會酬酢皆虛辭生時

不相信既死安足悲

書懷示運生

看君緩步出騷壇老我無能滯一官自信難憑矜骨異
人前大謬諱家寒欲省咄嗟朝饌減不聞交謫赦條寬
算來暮景須微祿莫笑輕彈貢禹冠

感興

久客真無賴誰能強自寬異鄉知己少本性對人難酒
債黃金盡秋風白袷寒相逢南去雁誤作故園看

繕寫南澗詩文了簡林汲

孟六遺文手自裁殘燈孤館鎖徘徊再從牘尾題頭看

猶帶蠻烟瘴雨來司馬同時空奏賦子雲無貌不關才
憑君校理歸東觀好遣雙魚到夜臺

顛頭陀舊野客對飲圖

我本米汁佛不解受戒律最愛酒和尚肉量大無匹生
啖兩瓊肩羽觴鳥飛疾若問大乘禪醉盤蒲團鄰

悔過詩

狂簡不知裁獨學苦無師過眼書萬卷紛紛亂如絲何
者爲我有浮雲隨風飛穿珠不引線千手難把持三軍
帥無主烏能定羣疑大哉夫子訓道一以貫之

古意

蓮子落秋水苦心空自知歲月如水深那有見蓮時

歲除憶林汝

微祿乘軒鶴孤懷食蓼蟲不耕常愧飽多忤自難通歲
晚惟思友書來督省躬明朝應變計混迹鹿皮翁

焦綠軒村居多竹今屬他人夢寐懷思賦詩見示

和答

晉代王猷宅元人竹趣圖舊林身外棄新笋夢中扶綠
淨臨書帙陰涼到飯盂祇今無籍在委巷一椽孤

送李馭臣孝廉

客中頻送客愁外更生愁夢入蟲絲老心隨木葉秋歲

寒勞接納事去悔夷猶明日相思處蕭蕭古渡頭

杜工部遺像

六朝風雅盡天寶亂離多獨立只搔首其如吾道何
竄身避戎馬遺像老山河便欲低頭拜猶聞發浩歌

萬里家何在窮年老更侵安危天下事江漢逐臣心
涕淚孤身遠艱難六義深文章光焰在千載少知音

海內存遺迹風人仰大師浮雲隔東郡孤月下南池
邨墅開花徑叢祠感歲時從知沈夫子自有杜陵詩

濟南示顏孝廉崇檢二首

秋雨荒山路窮愁旅病身不才輕進退失意卽風塵道

力堅猶惑交情困愈眞明湖三尺水空照舊遊人
無計留君住情深握手時孤猿窺夜檻枯樹負春曦賣
匱珠猶在灼龜心更疑秋風正蕭瑟日暮欲何之

登女郎山簡焦綠軒

對酒心如結登山病未蘇歲荒仍旅食時去少良圖謬
託臨邛令眞同西域胡願聞焦氏易一爲指迷途

濟南書懷

浪迹曾遊地秋風旋病餘破巢失歸鶴潦水泣寒魚過
眼新交少回頭素業虛飄飄無籍在去住定何如

古意

妾如水上萍郎如風中絮不是不相關高下無定處

牧馬圖

平沙漠漠天初霜風吹塞草秋雲黃祁連山前畜牧場
四十萬馬如羣羊峻耳方瞳八尺腹飛鳳三花屬天育
大奴舉策盡知名卸鞍脫轡無拘束朝洗白狼渡暮秣
黃花戍帶刀監奴孔雀翎笑指圍場射虎處武功大定
早罷兵戰馬盡放出長城太平野老曰無事驪黃牝牡
歸丹青顧君畫馬能畫骨短鬣禿尾尤突兀不師金牛
仗下驄却看受降城外月吾生未出居庸關又不從圍
人太僕窺天閑但憑紙上索神駿得毋笑殺王良伯樂

九方歌

觀顏教授所藏墨用東坡答舒教授觀墨韻

教授好墨真成癖蒼璧元圭羅皮几紀年傳自宋宣和
錦囊重裹澄心紙電掣陰房古劍昏春生幽壑凍蛟喜
紛紛觸手瓜皮霜雷琴漆斷牛毛比我生不識韓荆州
炯炯雙眸能辨此取烟無論廬山松藥賊膠病終堪鄙
縱有紅絲老青花浮泡生沫濃雲起窮搜圖籍紀範模
遍訪南北折屐齒斷笏裂餅不成丸千真一贗中心恥
部分甲乙讐奇書品第毫髮析名理玉版舊揭瑯琊王
鼠鬚時逐江南李染黑蛙嘴無人知擣碎隄糜何處使

君不見洛陽大賈多牛翁錢刀粟帛常豐美題裙羊欣
甚痴頑籠鶯逸少空宛委千金不惜求龍麝傾囊何用
換獼臚誰能坐困磨墨人行將與子汗漫五湖釣烟水

驅蚊

虛室四面窗戶開蚊飛成陣聲如雷老夫高枕不得卧
那有妙算相攻摧指揮羽扇欲却敵東方未靖西南隤
公然乘虐肆毒噬驅逐佯敗旋復來使我首尾不相應
魚肉脂膏如殘杯憤怒一擊半壁倒鼓聲已死空喧阗
心疲力屈勢不下出奇決勝君莫哈草枯單于秋出塞
雪壓淮蔡宵銜枚惟有火攻眞上策秦卒十萬誠堪哀

蠶蠶之族本小醜滅此何足闢蒿萊不如閉關勿與通
休息無事收全功坦腹鼻睡東方紅

運生納姬

難得佳人共一心春風鬢影對彈琴茂陵一曲顏唐甚
消盡長門賣賦金

太真明皇並笛圖

開元天子太平日坐擁妃子教聲律櫻桃脣底玉玲瓏
本是寧哥手中物三郎指下宮商妙博得阿環開眼笑
舊曲翻成阿濫堆新聲譜出同心調承宣法部李龜年
執板斜立鬚眉卷旁有一人側耳聽呼之欲應雷海青

宮闈樂事歡聲播五王稱壽八姨賀西川道上雨淋鈴
誰共君王夜深坐

五十五歲登第

蛾眉十五嫁王孫老女妝成也倚門莫誦樂遊原上句

夕陽空自怨黃昏

陳大士五十登第有句云夕陽無限好只是近黃昏

喜屠南章至酌酒相慰

前年舊酒杯一別向誰開今日新詩卷重逢爲我裁
白雲轅固里紅樹魯連臺正好同遊眺驪歌又欲催

潭上雜詠八首

潭西精舍

樹色不離門水聲長繞屋昨夜月上時散步未能宿

七十三泉

名泉七十二不數五龍潭爲勞算博士籌添七十三

談助亭

野客多婪言屠狗沽酒肆劍匣霹靂聲說到不平事

琴牀

我有石上琴一彈不復理化作流水聲聲從太初起

倚杖橋

行過板橋頭看雲聊小住杖影落水中半日流不去

芳林

雜樹自成林落葉無行迹隔水聞碁聲時爲野僧奕

畫壁

既有石泉響何必松閒聽誰知浙江潮翻從壁上生

水檻

小檻時一憑誤被游魚識朝來醉顏酡走向花閒匿